

杜鹃花诗词集锦大全

1.
采缣轻红药，丹痕竞紫榴。仙归十里幄，云指九重楼。晴雾笼深晕，平塘炫碧流。如何蜀鸟恨，夜月未消愁。——王夫之《花咏八首·其五·杜鹃》

2.
杜鹃花发杜鹃啼，似血如朱一抹齐。应是留春留不住，夜深风露也寒凄。——秋瑾《杜鹃花·杜鹃花发杜》

3.
蜀鸟啼来口血深，染成花萼满空林。芳魂不逐风吹散，还向天涯醉客心。——王恭《杜鹃花》

4.
杜鹃花落石阑干，新染晴波绿绕湾。小立伫诗风满袖，一双睡鸭占春閒。——方岳《春思·杜鹃花落石阑干》

5.
未问移栽日，先愁落地时。疏中从间叶，密处莫烧枝。郢客教谁探，胡蜂是自知。周回两三步，常有醉乡期。——方干《杜鹃花》

6.
愁锁色云往事空，只将遗恨寄芳丛。归心千古终难白，啼血万山多是红。枝带翠烟深夜月，魂飞锦水旧东风。至今染出怀乡恨，长挂长人望眼中。——真山民《杜鹃花得红字·愁锁色云往事空》

7.
杜鹃花时天艳然，所恨帝城人不识。丁宁莫遣春风吹，留与佳人比颜色

。——施肩吾《杜鹃花词》

8.
云昏水暖草萋萋，空谷无人独杖藜。却忆西江石楼老，送春花下子规啼。
。——葛立方《题卧屏十八花·杜鹃花》

9.
春红始谢又秋红，息国亡来入楚宫。应是蜀冤啼不尽，更凭颜色诉西风。
。——吴融《送杜鹃花》

10.蜀国曾闻子规鸟，宣城还见杜鹃花。——李白《宣城见杜鹃花》

11.
金鸭香烧午夜烟，空弹宝瑟怨流年。东风一架蔷薇雪，老尽春风是杜鹃。
。——柳桂孙《杜鹃花》

12.
杜鹃花与鸟，怨艳两何赊。疑是口中血，滴成枝上花。一声寒食夜，数
朵野僧家。谢豹出不出，日迟迟又斜。——成彦雄《杜鹃花》

13.
云树重重和泪吟，故宫遗庙有知音。秦吴万里皆芳草，染到山花恨最深。
。——周文璞《杜鹃花》

14.杜鹃花发处，血泪染成丹。——汪洙《神童诗》

15.
从来只说映山红，幻出铅华夺化工。莫是杜鹃飞不到，故无啼血染芳丛。
。——杨公远《白杜鹃花》

16.
蜀国曾闻子规鸟，宣城还见杜鹃花。一叫一回肠一断，三春三月忆三巴。
。——李白《宣城见杜鹃花》

17.

春山琪树绿交加，蜀帝残魂怨月斜。啼血满枝无着处，春风吹作艳阳花。
。——王佐《杜鹃花》

18.

杜鹃花发映山红。韶光觉正浓。水流红紫各西东。绿肥春已空。闲戏蝶，
，懒游蜂。破除花影重。问春何事不从容。忧愁风雨中。——赵师侠《
阮郎归·杜鹃花发映山红》

19.

杜鹃踟躅正开时，自是山家一段奇。莫据眼前看易厌，帝城只卖担头枝。
。——李时可《杜鹃花》

20.

一园红艳醉坡陀，自地连梢簇萋罗。蜀魄未归长滴血，只应偏滴此丛多。
。——韩偓《净兴寺杜鹃一枝繁艳无比》

21.

山石榴，一名山踟躅，一名杜鹃花，杜鹃啼时花扑扑。——白居易《山
石榴寄元九》

22.

烟雨艳阳天，山花发杜鹃。魂愁数叶暗，血渍一丛鲜。正色争炎日，重
台沓绛笺。春风几开落，遗恨自年年。——徐渭《杜鹃花》

23.

泣露啼红作麽生，开时偏值杜鹃声。杜鹃口血能多少，不是征人泪滴成。
。——杨万里《晓行道旁杜鹃花》

24.

望帝千年魄，春山几度风。声声向谁白，岁岁作花红。寂寞荒烟裹，妖
娆细雨中。可怜溅成血，无复见蚕丛。——丘葵《杜鹃花》

25.

去年曾看杜鹃花，醉出春林日已斜。今日北岩山下路，独冲烟雨过僧家。
。——刘崧《雨中见杜鹃花》

26.

百年过半学忘情，绮语芟除手亦生。因甚对花情未了，杜鹃颜色正倾城。
。——杨守礼《杜鹃花》

27.

轻剪梢头薄薄罗，子规湔血恨难磨。园林莫道香飞尽，嫩绿枝头不用多。
。——易士达《杜鹃花》

28.

啼鸟愁如歇，闲情寄浅缃。眉新欲试喜，额晓待添妆。酒色醅莺羽，春情驻柳香。愁心迷望帝，聊学赭袍黄。——王夫之《花咏八首·其六·黄杜鹃》

29.

蚕老麦黄三月天，青山处处有啼鹃。断崖几树深如血，照水晴花暖欲然。
。三叹鹤林成梦寐，前生阆苑觅神仙。小山拄颐愁无奈，又怕声声聒夜眠。
。——释择璘《咏杜鹃花》

30.

杜鹃花发杜鹃啼，似血如朱一抹齐。——秋瑾《杜鹃花·杜鹃花发杜》

31.

蜀帝魂销恨不穷，野花开落倚东风。吻干无复枝头血，几度啼来染不红。
。——于石《白杜鹃花》

32.

宫莺漫妒花颜色。蜀道魂无极。几时上苑与移根。不向蛮乡烟驿染啼痕。
。——陈洵《虞美人·黄杜鹃花》

33.

春心伤尽啼无血。化为花，枝枝似雪。色已瑶姬，魂犹望帝，长含霜月

。红颜一夕成白发。笑冰姿、胭脂尽脱。暮雨蚕丛，朝烟剑阁，谁怜凄绝。——屈大均《玉团儿·白杜鹃花》

34.

一朵又一朵，并开寒食时。谁家不禁火，总在此花枝。——曹松《寒食日题杜鹃花》

35.

小园晴日暖如烘，满树花开烂漫红。谁谓杜鹃啼不止，春来也会笑东风。——朱熹《小平园观杜鹃花》

36.

若比众芳应有在，难同上品是中春。牡丹为性疏南国，朱槿操心不满旬。留得却缘真达者，见来宁作独醒人。鹤林太盛今空地，莫放枝条出四邻。——李咸用《同友生题僧院杜鹃花》

37.

鲜红滴滴映霞明，尽是冤禽血染成。羁客有家归未得，对花无语两含情。——杨巽斋《杜鹃花》

38.

千山绕缭杜鹃开，挂纸纍尊满插来。应是空斋兄妹血，年年春雨不能灰。——周玉箫《山杜鹃花》

39.

树底催归咽一声，夕阳喷恨入繁英。枝枝血染花风晚，萼萼愁开谷雨晴。尚有春魂遗万古，岂无月色照三更。冤红遮莫随流水，最挠天涯蜀客情。——董嗣杲《杜鹃花》

40.

花花叶叶正含芳，丽景朝朝夜夜长。何事江南春去尽，子规声里驻年光。——张献翼《杜鹃花漫兴》

本文链接：<https://duanjuziku.com/duanjuzi/hmagg6ue8kw.html>

